

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 04.06.2018թ. թիվ 1808089174 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<24>> 04 2018թ. 17-13-82084-18/17-13-9364

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Վարդան Պարսամի Խլղաթյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Գեղարքունիքի մարզի Մարտունի քաղաքի Ձորագյուղ գյուղի 13-րդ փողոցի 34 տան բնակիչ Վարդան Պարսամի Խլղաթյանը դիմումով հայտնել է, որ <<FORD>> մակնիշի 81DA100 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 04.06.2018թ. թիվ 1808089174 որոշումը՝ նշելով, որ իրավախախտումը կատարել է ծայրահեղ անհրաժեշտությունից ելնելով:

Դիմումին կից ներկայացվել է <<Մարտունու ԲԿ>> մանկական բաժանմունքի կողմից տրված տեղեկանք:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Վարդան Պարսամի Խլղաթյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին 04.06.2018թ. թիվ 1808089174 որոշումը բեկանելու հիմքեր չկան:

Այսպիսով, դիմումատուն ըստ էության ընդունում է իր կողմից ճանապարհային երթևեկության կանոնների խախտում թույլ տալու փաստը և այն պահանջի հիմքում դնում միայն իրավախախտումը ծայրահեղ անհրաժեշտության վիճակում կատարած լինելու հիմքով:

Վարչական իրավախախտումների վերաբերյալ ՀՀ օրենսգրքի 17-րդ հոդվածի համաձայն՝ դիմումատուի կողմից թույլ տրված վարչական իրավախախտումը կարող է համարել ծայրահեղ անհրաժեշտության վիճակում կատարված, եթե այն կատարել է մի այնպիսի վտանգ վերացնելու համար, որը տվյալ հանգամանքներում չէր կարելի վերացնել այլ միջոցներով:

Դիմումատուի կողմից ներկայացված տեղեկանքում նշված է, որ Նարեկ Վահեի Խլղաթյանը 14.05.2018թ. ժամը՝ 00:40-ին սուր բրոնխոպնեմոնիա ԲԿ 2 ախտորոշմամբ ընդունվել է <<Մարտունու ԲԿ>> մանկական բաժանմունք:

Դիմումատուին վարչական պատասխանատվության ենթարկելու մասին որոշման հիմքում դրված լուսանկարը ապացուցում է, որ իրավախախտումը կատարվել է Լիճք գյուղի հատվածում՝ 13.05.2018թ. ժամը 22:23-ին, իսկ Նարեկ Վահեի Խլղաթյանը <<Մարտունու ԲԿ>> մանկական բաժանմունքի ընդունարանում գրանցվել է 14.05.2018թ. ժամը՝ 00:40-ին, այսինքն իրավախախտումը կատարվել է Նարեկ Վահեի Խլղաթյանի բժշկական կենտրոն տեղափոխվելուց մոտ 2.5 ժամ առաջ, ուստի այս պարագայում չի ներկայացվել իրավախախտումը

որպես ծայրահեղ անհրաժեշտության վիճակում կատարելու վերաբերյալ բավարար ապացույցներ, և արդյոք տվյալ իրավիճակում առկա է եղել անձի առողջությանը սպառնացող մի այնպիսի վտանգ, որը հնարավոր չլինել կանխել առանց իրավախախտում կատարելու, այսինքն առկա չի եղել իրավախախտումը կատարելու ծայրահեղ անհրաժեշտությունը:

Ելնելով վերոգրյալից, նկատի ունենալով, որ վերը նշված իրավանորմի համաձայն դիմումատուի կողմից չեն ներկայացվել իր համար բարենպաստ փաստական հանգամանքների առկայության վերաբերյալ ապացույցներ և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Վարդան Պարսամի Խլղաթյանի՝ Ճանապարհային ոստիկանության վարչական տոջժ նշանակելու մասին 04.06.2018թ. թիվ 1808089174 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Վարդան Պարսամի Խլղաթյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Վարդան Պարսամի Խլղաթյանին և ՃՈ ՏՄՀԽԱ կենտրոն:

Կատարող՝ Ա.Միրզոյան

